



UNIVERSITÄTS-  
BIBLIOTHEK  
PADERBORN

**S. Augustinus, Episcopus in Africa Hipponeñsis, Veritatis  
Evangelico-Catholicæ In Potioribus Fidei Controversiis  
Testis Et Confessor, Contra Bellarminum Et Alios  
Scriptores Papæos, antiquos pariter & ...**

**Reiser, Anton**

**Francofurti, 1678**

Liber Tertius

---

[urn:nbn:de:hbz:466:1-72506](https://nbn-resolving.de/urn:nbn:de:hbz:466:1-72506)

L. 4. c. 22. hoc prebet argumentum in Controversia de infantibus ante Baptismum mortuis.) At ita iterum subsumit *Vindex Augustinianus*, puer baptizatus, etiam si non percipiat Eucharistiam, longè perfectiori modo habet Fidem & Charitatem, sibi à Deo in Sacramento Regenerationis infusa. *Igitur juxta doctrinam Augustini verè salvabitur*. Cùm verò sic pergit Norifus, Sancti Patres, & ita etiam Augustinus, docent, sine participatione corporis & Sanguinis Domini neminem consequi posse Salutem aeternam, intelligendi sunt de participatione spirituali, quando per Fidem infusam sunt participes corporis Christi, dum sunt Ejus membrum, cui per Fidem incorporantur, sicut qui sumunt Eucharistiam, fieri dicuntur membra Christi, dum manent in Eo, & Christus in eis. Confirmat hoc diversis Augustini testimonis, addito consensu Fulgentii & Bedæ, Augustini Verbis in hac eadem tractatione uterum, quod à Gratiano quoq; factum monet, ut ut cum aliquā additione ex Fulgentio. Licuit hæc in gratiam Lectoris pie curiosi adscribere, quia alijs non semel mentio solet fieri Sententiæ hujus Augustinianæ de necessitate Eucharistie, etiam Ratione infantum; ad cujus Sensum, ne nimius rigor in hoc capite Sancto Patri adcribatur, ritè intelligendum hæc adducta non parum videntur conducere. Etsi autem juratus, & fortè conductus Norifi hostis, Bruno Nenserus, ordinis non Majorum, sed vere Minorum, in Prodromo Velerari hæc & cætera, quæ in Vindiciis Augustinianis ad defensionem Doctoris Sancti leguntur, uti solet, cum non planè nullo Authoritatis Augustinianæ prejudicio & detrimento, exagitetur, non tamen ejus sunt momenti & ponderis, ut laudam Explicationem loco possint tollere, adeoque nec digna, quæ prolixius examinarentur, cum ipsa rationum collatio evidenter possit ostendere, quod citatus ad marginem *Vitae Comes* etiam ex Instituti ratione in se suscepit ostendendum, istam Eucharistie perceptionem, Sacramento Baptismi junctam, ad ritus ex antiquâ consuetudine receperos petuisse, quod observasse satis nunc esse potest.

## LIBRI TERTII CAPVT VIGESIMVM, *De Transubstantiatione.*

**P**raetermisso in totū secundo de Eucharistiâ libro, ut potè Doctoribus reformatis reposito, quibuscum nihil commercii in hæc Controversia intercedit Evangelicis Doctoribus à lue sync retica per Dei gratiam liberis; neq; etiam attentis sex illis opinib; diversis, quas de modo existentia Corporis & Sanguinis Christi in Eucharistiâ recenser Bellarminus & refutare cœtè ad discussionem illius progredimur Quæstionis, qua Evangelicos etiam respicit, Transubstantiationem seu mutationem & conversionem Panis & Vini Eucharistici in corpus & sanguinem Dominicum, tanquam Dogma novum & in Ecclesia antiquiori ac magis orthodoxa inauditum, atq; hinc in Ecclesia verè fidibus non obtrudendum respuentes. Dico, in Ecclesia antiquiori, adeoque ea etiam, que Augustini tempore fuit, inauditum. Quamvis enim Bellarminus more solito ad hujus Dogmatis sub anathemate à Patribus Tridentinis proposita confirmationem testimonia Patrum ex omnibus ab Apostolorum tempore Seculis, & hinc etiam Augustini, conquisiverit, utur definitionem ejus ad quinq; tantum Secula restringens, cometiō falsus, per mille Annos fideles ad hoc Dogma amplectendum nulla Concilii ullius Occidentis, universalem Ecclesiam repræsentantis, definitione expressa fuisse adactos; in sequentibus tamen ostendetur, quidquid jam sit de cæteris Patribus, Augustino etiam ille suo tempore fuisse incognitum. Ita autem de Eo Bellarminus: *Augustinus*, in Sermo, quem Beda citat: *Omnis panis, accipiens Benedictionem Christi, fit corpus Christi*. Addit pro horum Augustini verborum intellectu Bellarminus: *Adverte, non dixisse Augustinum, Panis est corpus Christi, ut Lutherani solent loqui, sed fit corpus Christi, que verba mutationem significant panis in corpus, ut quidem Zwingiani utcunq; possent respondere, mutationem significacionis ex pane fieri Corpus, ut Lutherani quid respondere possint nescio. Nam ipsi volunt, rarer corpus Domini adesse in Cenâ*; *Augustinus* autem dicit panem fieri Corpus. Patri prædicta de Verb. Dom. Tom. II. cap. 83. debent ex Augustini Sententiâ panem recipere & converti in corpus. Idem alibi: *Ante Christi verba, quod obseritur, panis dicitur, ubi verba Christi fuerint de prompta, jam non panis dicitur, sed corpus adpellatur*. Bellarminus pergit: *Thomas Waldensis alium citat locum ex libro Augustini de corpore Domini, quem dicit se transcripsisse ex antiquissimo libro antiqua valde manu descripto: Non credendum est, quod substantia Panis vel Vini remaneat, sed Panis in corpus Christi & Vinum in Sanguinem vertitur, qualitatibus solummodo remanentibus. Verum*

tum notanter addit Bellarminus, *suspicor*, hunc non Augustini, sed Alcuini esse librum, Nobis tamen est satis antiqui esse Authoris. Christophorus de Capite Fontium in opere laudato lequens addit è Prossperi Sententiis, quas ex Augustini scriptis ut plurimum collectas esse suprà agnoscimus, pro Transubstantiatione testimonium: *Nos in specie Panis & Vini, quam videmus, res invisibilis, id est, carnem & Sanguinem honoramus, nec similiter comprehendimus has duas species, quemadmodum ante Consecrationem comprehendebamus; cum fideliter fateamur, ante Consecrationem esse Panem & Viam, quod Natura formavit, post Consecrationem verò longè alind, carnem videlicet & Sanguinem Christi existere.* Gregorius de Valentia adhuc aliud pro hoc Dogmate ex Augustino testimonium adducit, nimirum lequens: *Christi corpus & sanguis virtute Spiritus Sancti ex Panis & Vini substantia in Opus, efficiuntur. Item, Sicut ipse Christus est, qui baptizat, ita ipse est, qui per Spiritum Sanctum hanc* Pag. 187. *substantiam (panis) efficit carnem, & transit Vinum in Sanguinem.* Item, *Noster Panis, & Calix certa consecratione mysticus fit nobis, non nascitur.* Valentianus hęc obseruat: *Ex ipsa Augustini disputatione adpareat, velle Eum significare, Eucharistiam consecratam alterius esse naturae & generis Panem, quam ille sit naturalis, qui è terrā nascitur, atque ad eum nihil aliud secundum Substantiam esse, quam Christi corpus.* Notandum verò est, Valentianum ad tripartitum hoc Augustini testimonium in margine præter libros contra Faustum scriptos citare Gratianum & Lombardum, de quibus post in Examine dicetur.

In genere ad hęc Augustini & aliorum in Ecclesia Veteri Patrum testimonia observari debet, Evangelicos veram & realem Corporis & Sanguinis Christi in Eucharistiae Sacramento præsentiam vi verborum Institutionis, veram itidem utriusque cum Pane & Vino unionem viverborum Pauli credentes, aliquam panis & vini cum Corpore & Sanguine Dominico Sacramentaliter & modo humanitus incomprehensibili unitorum mutationem, sed accidentariam non negare, per quam id, quod Panis tantum fuit communis & vinum vulgare, accedente Christi verbo sit etiam, adeoque communicantibus exhibetur & ab illis sumatur simul verè Corpus & Sanguis Christi: quæ tamen accidentalis mutatio ab illa substantiali, quâ secundum Bellarmini explicationem fit totalis conversione substantiae Panis & vini in Corpus & Sanguinem Domini, ob quam voce novâ & apud Antiquos inauditâ dicitur Transubstantiatio, tantum abest, quantum à terrâ Ccelum distat, quâ comparatione alias in eodem negotio contra ipsam realem Corporis & Sanguinis Dominicæ præsentiam Reformatos uti constat, quo jure, quâve injuria, hic dicendi locus non est. Et quia de modo & ratione hujus Transubstantiationis plurima inter ipsos hujus novi dogmatis Defensores controversia & lis est, hinc ipse Bellarminus le contradictionibus non caruisse testatus fuit. Dum enim hanc conversionem, quam omnium perfectissimam, & ab omnibus aliis mutationibus distingui dixit, statuit esse non productivam, nec conservativam, sed adductivam, non quia corpus Christi suum deferat in Celo locum, vel quia per motum localem hic de Celo adducatur, sed solum, quia per eam fiat, quod antea solum erat in Celo, nunc etiam sit sub speciebus Panis, & non solum per simplicem præsentiam vel coexistentiam, sed & per unionem quandam &c. in recognitionibus ita hanc mentem suam explicare fuit coactus: *Vide id à nonnullis perperam esse intellectum, qui inde colligunt, hanc non esse verè conversionem sive Transubstantiationem, sed translocationem.* At aperte falluntur. Sicut enim conversione & Transubstantiatio ad panem pertinent, non ad corpus Christi, sic etiam translatio, si cui conveniret, pani conveniret, non corpori Christi. At pani nullo modo convenit, cum non mutet locum, sed transeat in corpus Christi. Sed neque corpus Christi per conversionem adductivam translocari potest dici, cum neque suum deferat in Celo locum, neque incipiat esse sub speciebus, ut in loco, sed ut substantia sub accidentibus, remotâ tamen inherentiâ. Itaque adductivam conversionem adpellavimus, inquit Bellarminus, ut significaremus, corpus Christi per consecrationem Eucharistiae non de novo produci, sed præexistere, & per conversionem panis in ipsum incipere esse sub speciebus panis. Et postquam de diversis Patrum (nullâ tamen Augustini mentione factâ) Sententiis quoad loquendi modum egit, ita porro suam expressit mentem: *Quidquid sit de modis loquendi, illud est tenendum, conversionem panis & vini in Corpus & Sanguinem Christi esse substantiam, sed arcanam & ineffabilem, & nullis conversionibus naturalibus per omnia similem, & quam solus Deus facere possit.* Præmisâ hunc in modum & indicatâ Sententiarum Bellarmini & Evangelicorum de mutatione Panis & Vini Eucharistici differentiâ, facile est indicare, quæ mens fuerit Augustini, in laudatis à Bellarmino, Capite fontium & Valentiano testimoniis, ut pleraque non sint omnino indubitata, de quibus nunc in specie.

Primum hoc est iuxta Bedæ citationem: *Non omnis Pans, sed accipiens benedictionem*

Uu

nem

Tomi III. Controversiarum III.

506

nem Christi, fit corpus Christi. Multum huic Sententiae tribuit Bellarminus, sed parum ad rem, si verba ritè attendamus. Non enim scriptis Augustinus, Panis accipiens benedictionem Christi fit corpus Christi, ita, ut substantia panis totaliter convertatur & transmutetur in substantiam corporis Christi, priori substantia in totum abolitam, manentibus tantum externis accidentibus & speciebus in oculos occurribus; quod absurdum si scripsisset Augustinus, haberet, de quo triumphum ageret Bellarminus. Verum id non scripsit Doctor Augustus, neque etiam scribere potuit, si attendantur ea, quæ citante in antecedentibus eodem Beda, in alio Sermone, Augustinus scripsisse legitur: *Hoc quod videtis in Altari, etiam nocte transacta vidistis. Sed quid esset, quid sibi velit, quam magne rei Sacramentum contineret, nondum audivistis. Quod ergo vidistis, Panis est.* (Nota bene, non dicit, panis videtur, sed est, & quidem in praesenti, non in praeterito, fuit ante.) & Calix, quod vobis etiam vestri renuntiant oculi. *Quod autem Fides vestra postulat in struenda, panis est corpus Christi, Calix (verò) Sanguis.* Et post aliqua: *Quomodo panis est corpus Christi, & Calix, vel, quod habet Calix, quomodo est sanguis ejus?* Respondebat: *Ista ideo dicuntur Sacra menta, quia in eis aliud videtur, aliud intelligitur. Quod videtur speciem habet corporalem, quod intelligitur fructum habet spiritualem.* Speciem non dixit sine substantia, accidens sine subiecto, sed speciem notanter corporalem, quam non dixisset, si omnimodam Panis & Vini substantiam credidisset in Eucharistiâ abolitam. Et dum Doctor Augustus expressè hic scripsit, *Panis est corpus Christi, Calix, vel Vinum, quod habet Calix, est sanguis Christi, Bellarminum in terminis refutavit, hanc Propositionem, quæ ad distinctionem aliarum, & quia refertur inter inusitatias, Sacramentalis dicitur, Lutheranus adscribente, quasi absque Augustini autoritate ita loqui soleant.* Qui etiam, dum ad objectum à le Augustini testimonium Zwingianos utcunque posse respondere scribit, Lutheranos non item, suam prodidit ignorantiam, ut ne quid amplius dicam, cui per alia ejusdem Sancti Patris apud eundem *Bedam* testimonia satis jam factum est. Et per hoc ced facilius est etiam responsio ad cetera Augustini loca, quæ Bellarminus, *de Capite fontium*, Valentianus, aliquis ad Transubstantiationem confirmandam laudarunt, nominatim, ad secundum, in quo verè scripsit Doctor Augustus, quod obseratur, ante Christi verba, panis dicitur; ubi autem verba Christi fuerint deponiti, jam non panis dicitur, sed corpus Christi appellatur. Verè, inquam, si ad mentem, quæ Pater Sanctus alibi expressit, & quidem in testimonij proximè citatis intelligatur. Si enim juxta formulam loquendi ab eo usitata panis est corpus, vinum est sanguis Christi; utique, cum scribit, non panis dicitur, sed corpus Christi, intelligi debet non Panis solum, sed simul etiam corpus Christi, vel si corpus Christi tantum, ced accipendum est sensu, quo pertinet in communis usu loquendi regulam à potiori solet fieri denominatio. Huc pertinet observatio Cassandri, quā mentem Augustini in hac Propositione explicanda adsequilaboravit, in Consultatione, nemini non notata, hunc in modum scribens: *Augustinus panem dicit corpus Christi, sed, ut ita loquar, intellectualiter, respectu videlicet intellectu,* oper. p. 940. & 941. *quo in pane, qui exterius videtur, interius Christi corpus esse creditur.* Addit de ceteris Ecclesiæ Doctribus: *Si quando à Patribus hac loquendi forma usurpatur, ut dicant, panem esse corpus Christi, agnoscunt recentiores quoque Ecclesiastici Scriptores, eam esse figuratum, ut quā signum rei signata, sed præsenzia, nomine denotetur.* Quæ Bellarminus porro ex authoritate Thoma Waldensis, tanquam ex aliquo Augustini libro ad Transubstantiationis commendationem citat, videntur quidem aliquid ad rem quam-maxime pertinentes habere, atque hoc Dogma omni modo adstruere: Sed dum ipse Bellarminus suplicari fuit coactus, causis sine dubio prægnantibus, librum, ex quo *Waldensis* hoc citavit testimonium, non esse Augustini, sed Alcuini, qui juxta ipsius Bellarmini calculum integris quatuor seculis post Augustinum vixit, ad vindicias Augustini non pertinet, nobis ex instituto ad id non obligatis, ut ad quorumvis Veterum Scriptorum dicta respondeamus. Quod Archi-Episcopus Cælariensis ex Prosperi sententiis tanquam Augustini testimonium laudavit, in Jure etiam Canonico exhibetur, hæc cum observatione, alter illud apud Lanfrancum ex libro de catechizandis rudibus legi, sed Iovinem ferè eodem modo habere, quo Gratianum. Sentum hujus testimonii legitimum ut percipiamus, lumen parallellum ex iisdem Prosperi sententiis, eodem Gratiano citante, sex tantum locis intercessit, II. de Confess. crifitum scilicet Ecclesia duobus confici, duobus constare, visibili Elementorum specie, & in corpore Christi, sicut Christi persona constat & conficitur Deo & homine, cum ipse Christus sit verus Deus

c. Hoc est, dentibus, adducere. Hoc est, quod dicimus, hoc modis omnibus adprobare contendimus, Sa-

198.

Deus & verus homo, quia omnis res illarum rerum naturam & veritatem in se continet, ex quibus conficitur; conficitur autem Ecclesia sacrificium Sacramento & re Sacramenti, id est, corpore Christi; est igitur Sacramentum & res Sacramenti, id est, corpus Christi. Nimis igitur explicat hoc dictum posterius manifestum satis ea, quae ex priori Archi-Episcopus Cx. vid. D. Dorsch. fariensis Transubstantiationi adfrenda existimavit interfervire, dum hanc Sacramen de Jur. Ca. tales panis & vini cum corpore & sanguine Christi unionem certa quadam ratione si non pag. mitem esse dixit Augustinus unioni Naturarum Divinæ & humanæ in Christo persona. 101. conf. Salmas. de. li. Sicut autem nisi heres Eutychianæ ad ecclesia dicere non potest, humanam Christi Transub. Naturam esse conversam in Divinam; Ita etiam vi instituta ab Augustino compara. stant. p. tationis non licet dicere, panem & vinum converti in corpus & sanguinem Christi, ut potè 113. adde Picher. o. quam conversionem vel, ut Papze hic loquuntur Scriptores, Transubstantionem neq; puse. p. 41. unio Sacramentalis, neque Personalis admittit. Restat testimonium illud tripartitum, & seqq. quo Valentianus validè hoc Transubstantiationis dogma demonstrasse visus est. Id sic & ibid. p. 169. & 176 ut testimonio, quod Bellarminus ex Thomae Valdene citavit, non multum est dissimile, multumq; pro hoc Transubstantiationis dogmate videtur militare; ita dum Valentianus in margine provocat ad opus Augustini contra Faustum, in cuius tamen libro & capite, quorum numeros adscriptis, nulla planè mentio hujus Controversie legitur; quod vero partes testimonii priores attinet, ad Gratianum & Lombardum hujus tanquam ex 120. c. 15. Augustino testimonii autoritate utentes Lectorem mittens, observandum est, Gratianum huic testimonio praescribere quidem Augustini nomen, sed absque libri vel operis significatione, Notarum vero Scriptorem, quæ jussu Gregorii Pontificis, numero & ordine tertii & decimi, seculo adhuc præcedente sunt editæ, fateri, ex Pachacio videri illud confessum. Et quamvis addat, Algerum consummari Augustinum ex libro de Sacramento Altaris, dum tamen iste liber hodie inter gentinas Augustini foetus, juxta Bellarmianam quoque recensionem, non extet, quidquid sit de recentibus operum Augustini Supplementis, non omni suppositionis suspitione parentibus, de quibus etiam non idem est Eruditorum utriusque partis iudicium, ut de eo multum solliciti simus, necesse sum non est, præprimis cum & qui notas Marginales Lombardo adscriptis, quæ in Editione Lovaniensi præcedentis itidem Seculi leguntur, notanter observarit, Sermonem, ex quo Lombardus hac verbacitate visus est, non reperiri in vulgatis Exemplaribus: quod haec tenus satis esse potest & sufficiens, ne hujus testimonii tanquam Augustiniani auctoritate Evangelici videantur teneri. Augustino alibi clarissime suam de hac Controversiâ ante, quam in Ecclesia moveretur, exprimere sententiam, ibi præsertim, ubi in sententiis à Prospero collectis, eodem Gratiano & Lombardo testibus, & ad laudatas Prospere vel potius Augustini sententias Lectorem mittentibus, unionem Sacramentalem cum unione naturarum in Christo personali comparavit, illam ex hac explicans, ut potè quæ nullam Naturæ conversionem vel mutationem in alteram requirit, quam Veteres itidem cum unione corporis & animæ aliquatenus illustrate sunt conati, ut suo supra videntur loco.

Nunc venientum esset ad ea Augustini testimonia, quæ ab Evangelicis contra Transubstantiationem solent laudari, atque videndum, quid Bellarminus in eorum examinatione desideraverit. Sed noluit in hoc decurrere campo Bella, arma, & minas spirans Polhemarcha, sed breviter in acie hac expediri rem posse existimavit, scribens: Ultimò, ex Partibus, adeoque etiam ex Augustino, multa colligit Chemnitius contra Transubstantiationem, sed omnia sunt explicata à nobis libro antecedente; nam eadem adferuntur etiam à Calvinis contra veritatem corporis & sang. Domini in Euchar. Vide, quæ diximus de testimoniis Irenæi, Ambrosii, Theodoreti, Gelasii & Hesychii; (Augustino cur prætermisso, ex quo tamen Chemnitius contra Transubstantiationem militavit?) Horum duntaxat enim adducit testimonia, & cum nihil adferat novi, frustra in eorum confutatione immorari. Verum si hac methodus agendi placuisse Bellarmino, multò breviori & longe faciliori opera contra hereticos scribere potuisset, & te & alios non paucō labore sublevarurus. Non enim verum est, ea Augustini testimonia, quæ Chemnitius contra Transubstantiationem adduxit, & quæ nos quoq; partim ex Serm. de Verbo Dom. partim ex Prospere jam habuimus, à Bellarm. tunc explicata in libro antecedente, ubi ad ea Augustini testimonia respondere fuit sollicitus, quæ Calvin. contra veritatem corporis & sanguinis Domini in Euchar. adferre solent. Cum enim Evangelici Doctores non ex eo folcant oppugnare fundamento Transubstantiationem, quo Calviniani, iis veram corporis & sanguinis Christi in Sacr. Euchar. presentiam vi verborum Institutionis firmâ Fide creditibus; his verò, quidquid sub certis verborum involucris agnoscere vide-

Tomi III. Controversiae III.

508

antur, re ipsa negantibus & acerimè oppugnantibus, quod post omnes alios novissimè à laudato sub initium capituli præcedentis *Edmundo Albertino*, opere satis magno & copioso fæcum est, *Davide Blondello* hederam ei satis speciolam suspidente; adeoq; si res accuratè ponderetur, Calvinistæ non possint vi suæ hypotheseos, ex iis Augustini testimoniis, quæ veritatem præsentia corporis & sanguinis Christi æquè ac panis & vini defendunt, contra Transubstantiationis Dogma argumentari, quibus *Chemnitium* & *Bellarmino* etiam ad ea, tanquam à Calvinianis non objecta, non potuit respondere. Evidet, ubi ad primum ex *Beda* testimonium, quod Bellarm. pro Transubstantiationis Dogmate collocavit in aciem, suprà ex alio apud eundem *Bedam* testimonio, quod Augustino ibidem adcripsit, tanquam luculentiori fuit responsum, quò expreßè Panem dixit esse corpus, vinum esse sanguinem Christi; video, Bellarm. illud posterius testimonium inter ea, & ultimo quidem loco collocare, quæ Calviniani contra veritatem præsentia corporis & sanguinis Christi in Eucharistiæ Sacr. urgent, adq; illud respondere conatus tuus. Quamvis autem, ut dixi, Evangelicis in hac etiam Controv. cum Calvinianis nihil plane lit negoti, qui & hic medium inter duo extrema, (Papæis per Transubstantiationis dogma in excessu, Calvinianis per realis præsentia corporis & sanguinis Christi negationem in defensu peccantibus, illis justo amplius, his justo minus huic Sacramento adscribentibus) respondent viam, verbis Christi Institutoris fixe & firmiter inhærentes, adeoque responsum Bellarmini ad Calvinianorum ex hoc Augustini apud *Bedam* testimonio objectionem sine Examine liceret prætermittere; tamen, quia id supra à nobis etiam contra ipsum Transubstantiationis dogma fuit usui, ne quis labor difficilis videatur à Bellarmino impositus, vel omnino etiam impossibilis, præprimis dum Lectorem ad hoc responsum misit, videamus breviter, quid circa id jure possit desiderari. Ita autem ibi Bellarminus: Totaviste sti monii hujus posita est in duobus, primo in eo, quod Augustinus dicat, Panem esse id, quod est in Altari, ut ipsi renuntiant oculi. Secundo, quod ad Questionem, quomodo panis sit corpus Christi, si Christus sit in celo? Augustinus non responderit, per transmutationem aut aliquid hujusmodi; sed dixerit, Sacraenta esse signa quædam visibilia & corporalia rerum spiritualium & intelligibilium. Hoc ex mente Calvinianorum habet Bellarminus, addens: Ad primum facile est respondere. August., enim declarat, quid sit, quod est in Altari, ac dicit, Panem esse quoad speciem exteriorum, ut rectè judicant oculi; quoad interiorum verò substantiam esse corpus Christi, ut Fides judicat rectè. Nam si August. vellat dicere, in Altari etiam esse panem quoad substantiam, & id probaret oculorum testimonio, ut ejus verba fronte prima videntur sonare, repugnaret apertissime *Cyrillo*, *Ambroso*, *Nyseno*, *Epiphanio*, *Gaudentio*, *Chrysostomo*, qui dixeris dicunt verbis, falli sensus, & non esse judicandum ex gustu, & deniq; non esse panem. Quis autem credat, August. in rem magnâ tot Patribus repugnasse, & præterea, si repugnasset, quomodo nec ipse unquam eos reprehendis sit, nec ipse ab aliis fuisse reprehensus? Quare cùm verba ejus dupliciter exponi possint, & uno modo repugnent Patribus ceteris, alio autem modo cum eis congruant; quis non vider, uter sensus sit præferendum? Addes, quod non aliis filiis Patribus, sed sibi etiam repugnaret, si judicio sensuum in hoc Mysterio locum dare vellat, ut patet ex tot locis ante cit. Ad secundum respondeo, August. ad quæst. Quomodo panis sit corpus Christi? noluisse directere respondere, quia auditores non erant capaces, Homilia enim illa habebatur ad pueros recens baptizatos; id è montuose, ut simpliciter crederent, panem illum esse corpus Christi, & operam darent ut ipsi essent corpus CHRISTI per fidem & operabona, quia post, ubi crevissent & proficerent in via DEI, ista eis aperirentur Mysteria. Id ita esse patet, quia cùm esset propositum de CHRISTI corpore naturali, quod est in celo, quomodo sit in Eucharistiæ? Ipse omisso Christi corpore naturali transit ad corpus mysticum ac dixit, Eucharistiæ esse signum Societatis fidelium, & nos esse corpus Christi, & nos manducate, quod sumus, & mysterium nostrum esse in Mensâ, & alia id genus. Nunquam verò dixit, panem esse signum corporis Christi naturalis, aut corpus naturale non esse in Altari, aut esse symbolice; quæ certè debuit dicere, si directere ad Questionem responderevoluerit, & in heresi Calvinistarum fuisse. Sicut ergo illi à nobis querunt, quare August. non solvit Questionem, dicendo, panem esse corpus per Transubstantiationem; sic & nos ab illis querimus, quare non solvit questionem, dicendo, esse corpus Christi representativè? Et pro utrisq; respondemus, Augustinum dedita opera dissimulasse questionem, & ad moralem cohortationem esse digressum. Quæ in hoc responso Bellarminus expreßè contra Calvinianos realem corporis & sanguinis Christi in Eucharistiæ præsentiam ne-

gantes habet, ad præsens Institutum non pertinent, nobis de eo nunc solùm sollicitis, quâ ratione laudatum à Bedè Augustini testimonium ad evertendum Transubstantiationis dogma possit intervire, ne Bellarmini exceptiones impediāt.

Et quidem ad prius responsum notari debet, Augustinum de eo, quod est in Akari, non dicere, panem esse quoad speciem exteriorem, id est, sensu Papistico, speciem fine Substantiæ, accidens sine Subjecto, cuius rei absurditas Sancto Patri nunquam venit in mentem, neque potuit venire, nisi fibram ipsius faciem voluisse contradicere & scribere, qui sicut apud Prosperum ad evitandum dogma Eutychianorum Christi personam constare dixit ex Deo & homine, Divinâ nimirum & humana Naturâ, neutrâ in alteram conversâ, sed utrâq; personaliter unitâ, ut Christus sit & dicatur verus Deus & verus homo; ita ad evertendum dogma Transubstantiationis ante, quâm esset natum, Sacramentum Eucharistiae, quod latiori sensu dixit Sacrificium, duobus confici & constare scripsit, visibili Elementorum specie, quam in verbis ex Bedâ citatis notanter dixit corporalem, & invisibili Carne & Sanguine Christi, sine ullâ utriusq; reali & substantiali conversione & mutatione, quam vis institutæ ab Augustino comparationis nullâ omnino ratione admittit. Nec quidquam valet, quod Bellarminus porrò intert: si Augustinus in demonstratione panis & vini verè & substantialiter existentium ad oculare testimonium voluisse provocare, apertissimè repugnasset pluribus aliis Ecclesiæ Doctoribus, qui sensus falli in hoc Sacramento tñquam singulari Mysterio, nej, ex gustu judicandum esse, & deniq; non esse Panem scripserint; cùm præter id, quod ex nostris Gerhardus præsertim, ex Reformatorum cetero post Chamierum laudatus paulò ante Albertinus, & qui hic prætermitti non debet, Salmasius sub nomine Simplicii Verini libro peculiari de Transubstantiatione contra Grotium hic quoq; Papizantem scripto, ad ea Patrum dicta observârunt, quæ pro hujus Dogmatis confirmatione solent adduci, notasse hic in genere sufficiat, pertinere has locutiones, quas Augustini Sententia ad Evangelicorum mentem explicatæ contrarias esse Bellarminus sibi imaginatur, ad exclusivas, atque hunc in sensum orthodoxè intelligendas, falli omnino sensus in hoc Sacramento, si nihil aliud omnino præter id quod videtur, accipere nos credamus, nej, ex gustu judicandum esse, sicut in alio communī cibo & potu, deniq; non esse Panem, videlicet solum vel communem, qui ad nutritionem corporis, fed animæ perteat; quâ ratione non video, quid laudati Patres his & talibus verbis dixerint vel scripserint augustinissimo Doctori contrarium. In posteriori responso Bellarminus non paucam infert injuriam Augustino, quasi is auditoribus tum adhuc *incapacibus* proposituerit Questionem capti sublimiorum, adq; eam non directe, atque sic insufficienter responderet, auditores in suspense reliquens; quo an Doctoris officio fecisse satis ex ase posset dici, nescio, an quisquam, cui Simpliciores informandi ratio non est incognita, sit adfirmaturus. Verum non ita infideliter cum suis egit auditoribus Pater Sanctus, ut quam eis proposuit Questionem, non etiam sufficienter, quantum captus eorum & Mysterii incomprehensibilis ratio patiebarur, ad eam responderit, dicens: *Ista idèò dicuntur Sacra menta, quia in eis aliud videtur, aliud intelligitur.* Quod videtur speciem habet corporalem, quod intelligitur fructum habet spirituale. Facillimum vero fuissest augustinissimo Doctori, transubstantiationis vel aliud vocabulum idem significans adhibere, aut pluribus verbis rem hanc describere, si totalem & substantialē Panis & Vini in Corpus & Sanguinem Christi conversionem & mutationem in hoc Eucharistiae Sacramento credidisset. Et huc referri debet ejusdem Sancti Patris testimonium, quod Valentianum ex opere contra Faustum, libri tamen capite non ad numeri veritatem citato, laudasse habuimus suprà, ubi Doctor augustinissimus contra Manichæos pleniori textu in hunc modum scripsit: *Noster Panis & Calix, non quilibet, quasi propter Christum in Spicis & in L. 20. con. sacra mentis ligatum, sicut illi desipiunt, sed certa consecratione mysticus fit nobis, non nascitur.* tra Faust. cap. 13.

Proinde quod non ita sit, quamvis sit panis & Calix, alimentum est refæctionis, non Sacramentum Religionis, nisi quod benedicimus gratiasque agimus Domino in omni Ejus munere, non solum spirituali, verum etiam corporali. Multum hic certè fallitur fallitque Valentianus, dum ex ipsâ Augustini disputatione putat adparere, voluisse Eum significare, *Eucharistiam* (verbo Institutionis) *consecratam alterius esse generis & naturæ Panem, quam ille sit naturalis, qui è terra nascitur,* arg, adeò nihil aliud secundum Substantiam, quam Corpus Christi. Cui enim non solum controversia inter Augustinum & verè Catholicos ex unâ, ex alterâ autem parte Manichæos & eorum ad seclas agitatæ status, de quo agetur capite sequenti, non est ignoratus, sed & integri contextus Ratio constat, sicut non ita difficulter potest constare; si ordo dictorum ab Augustino ritè attendatur; manifestum est, dum Sanctus

### Tomi III. Controversiae III.

510

Pater panem consecratum dixit esse *mysticum*, non voluisse, ejus substantiam, quam natu-  
rā accepit & habet, omnino vi Consecrationis aboleri, sed tantum distinguere à pane  
communi. Etsi ille etiam à verē fidelibus juxta Apostoli monitum cum certā per preces  
ad DEum benedictione ac debitā gratiarum actione pro refectione corporis & ali-  
mento sumatur & comedatur, hāc cum distinctione, quod hic panis sit & maneat Panis so-  
lū naturalis, ad alimentum refectionis quotidianæ & sustentationis vitæ temporalis, à  
Dō tanquam providentissimo suorum alimentatore concessus; ille verò sit & simul  
etiam fiat *Panis mysticus*, in, cum & sub quo communicantibus, vi verborum Institutio-  
nis & Consecrationis, exhibetur verē corpus Christi, sicut in, cum & sub Vino in calice  
per eandem Consecrationem benedicto iisdem exhibetur verē sanguis Christi, nulla  
cum reali vel substantiali panis & vini mutatione, aut omnimodā in corpus & sanguine  
Christi conversione. Etsi enim, ut adhuc semel ad testimonia Augustini à Valentiano  
pro Transubstantiationis dogmate laudata redeamus, verbum *transire* hanc mutatio-  
nem & omnimodam conversionem, adeòq; totalem prioris Substantiæ abolitionem  
videatur inferre, præter id tamen, quod ad Augustini sententiam in hac Quæstione vin-  
dicandam ex Lombardo pariter & Gratiano, corundemq; marginalibus Notis & Glo-  
sis fuit monitum, insuper hic addendum venit, *Bulengerum* in suis contra Calabonii Ex-  
ercitationes Anti-Baronianas Diatribis fateri, verbum hoc *transire* non esse in Texu,  
Diatr. III. ad cap. 58.  
Exerc. 16.  
P. 243.  
v. Salmas.  
pag. 325.  
ubicunq; etiam extet, quamvis vi hypotheseos ad defendendum receptæ putet, illud  
omnino addendum esse. Quod idem Valentianus alibi pro Transubstantiatione ex Au-  
gustini Epist. quādam de *Urbicio*, rectius Urbico, cive Romano habet, quia omnino im-  
de Trans-  
substanc-  
pertinens est, atque aliàs legitur discussum, ne hoc in nimiam ex crescat molem caput,  
seqq. hāc quidem vice prætermittitur.

Quia Bellarminus & ceteri Scriptores, quos vidimus, aliquantò parciores fuerunt in  
Transubstantiationis dogmate confirmando ex Augustini autoritate, libet ad appendicis  
loco subjungere, quæ *Matthias Hauzarius*, Ord. Francisci, in ultima parte *Collationis The-  
ologicae* ad eam pertinentia è divite penu adduxit, ut indè patet, an ullā ratione Doctor  
augustus huic errori præstiterit patrocinium. *Efficacissimam* autem putat huic Instituto  
sententiam, quæ Tractatu in Johannem post vigesimum septimum legitur verbis sequent.

p. 350. & Verba vita aeterna habes, q. d. Vitam enim eternam habes in ministracione corporis & san-  
guinis tui; & nos credimus, quia tu es Christus, Filius DEI vivi, id est, quia ipsa Vita eterna  
tu es, & non das in carne & sanguine tuo, nisi quod es. Quamvis enim, subjungit Collator,  
totum illud caput Johannis sextum perparam restingeretur ad donationem corporis &  
sanguinis Christi nostra Fidei & Saluti per solam Incarnationem & Mortem, hac tamen  
Augustini negativa, Non das in carne & sanguine tuo, nisi quod es, ad omnem se exten-  
dit donationem, includens in hac Sacramentali ipsam carnem & sanguinem Christi  
personalem, & ab ea excludens, quicquid non est de esse Christi, sicut totam Panis &  
Vini substantiam. Præter id huc etiam pertinere putat Collator *Augustinianus*, que Pa-

I. 7. c. 12. I. 3. c. 25.  
ter Sanctus alibi, nominatum in opere de *Genesi ad literam* scripsit de possibili conver-  
sione, ne cujuslibet corporis in quodlibet; item quod in opere de *consensu Evangelistarum* ha-  
bet de possibili transmutatione corporis Christi in quamvis formam; Imò, quod neq;  
ipsam corporis conversionem in Spiritum, nec omnium (videlicet corporum) conver-  
sionem in DEUM prorsùs censuerit impossibilem, citatis ex opere de *Civitate DEI*, de  
Trinitate & aliundè locis. Quia verò etiam non nescivit, Augustinum lepius repetere,  
*Panem & Vinum mystice fieri*, benedici, consecrari, sanctificari nobis in corpus Christi, QUAE  
NON EXCLUDERE, sed quasi supponere & includere videntur Panem & Vinum; quin &  
comparare hoc Sacramentum non tantum Incarnationi Christi ex Virgine Matre, sed hypothe-  
tice Unionem etiam Naturæ divinae & humanae, &c. ut alia nunc brevitatis causâ prætermi-  
tantur, idè sollicitus fuit Collator de sufficienti responso, ne hāc Transubstantiationi vi-  
deantur aliquod creare impedimentum. Et quidem ad prius respondit variè, dicens pr.  
mō, per illam Benedictionem, Sanctificationem & Consecrationem satis significari ve-  
rificationem formæ consecratorię; Secundo, Panem & Vinum non posse in (ipsis be-  
nedici, sanctificari & consecrari, cùm sint incapacia veræ ac internæ sanctifications. Ergo, inquit, per hāc significatur sacrificari, seu realiter ac totaliter consumi in supremū  
DEI cultum, converti in id, quod est veræ ac intrinsecè sanctum. Tertio, illud mysti-  
cum nihil significare improprium, sed sacrum & religiosum Secretum, & vīo plasquam  
naturalē hujus Consecrationis. Quartio, per illud, fieri, non significari, Panem & Vi-  
num permanenter, sed transeunter fieri corpus Christi, seu in illud converti, cùm si cum  
possibile, fieri corpus Christi, & manere simul panem & vinum. Quinto, per fierinobis,  
inquit,

inquit, non negatur, sed exprimitur verè fieri, quamvis ad Salutem nostram; quodque id sit fieri realiter, patet ex sequenti comparatione & negatione nascendi, & ex necessaria ad hoc operatione Dei invisibili. *Sexto* tandem, Exemplaria quædam habere tantum, mysticus fit nobis, non nascitur; sed alibi sèpsum exprimi, quid nobis fiat, videlicet corpus Christi, idq; ibidem supponi sub illo mystico fieri, non nasci, præ alio fieri seu benedici exteriori ciborum corporalium. *Ad posterius dicit*, expresse comparari Eucharistiam quoad solam visibilem Panis & vini speciem, & invisibilem Christi carnem & sanguinem cum humana Ejusdem natura visibili & Divina invisibili in Incarnatione; item comparari confectionem Corporis Christi in Eucharistia cum generatione Corporis Christi in utero Virginis, quoad identitatem corporis & similitudinem Virtutis supernaturalis, non autem quoad materiam ex quâ, ejusq; permanentiam. Alia iterum prætermitto, utpote minus ponderosa, & quæ subtilitatibus tantum innituntur Scholasticis, nisi quis malit vocare obscuritates otiosas, ad ingeniorum acumen obtundendum inventas. Et dum ipse Collator efficacissimam vocat Augustini Sententiam, quam ex opere in Johannem adduxit, vel unico ostendendum est verbulo, inefficacissimam esse eam ad confirmandum Dogma Transubstantiationis. Nervum demonstrationis ponit in iis Augustini verbis, cum scripsit, quasi mentem Discipulorum exprimens ad Christum: *Non das in Carne & Sanguine tuo, nisi quod es.* Verum si Pater augustissimus hoc voluisse indicare, quod Lectoribus incautis persuasum vult Collator *Scotisticus*, non scribere debuisset, in *Carne & Sanguine tuo*, sed potius, in *Sacramento tuo*. Cæterum, quia non ita scripsit, vis & injuria Doctori Sancto infertur, dum ea Eidem adscribitur Sententia, cuius nullum in omnibus Scriptis, quæ plura sunt, ne minimum inventur vestigium, & quam salvis hypothesibus, quas alibi copiose proponit ac defendit, docere potuit nullatenus. Quæ vero contra easdem excipit idem Scotti discipulus, cum Præceptore in tenebris micans, præfertim quoad veram rationem Sacrificii, quam Panis & Vino adscribit, talia sunt, quæ non nisi opinionem absurdam novis absurditatibus adhuc faciunt absurdorem, ita ut tandem Dogma hoc dici possit & debeat omnium merito absurdissimum.

## LIBRI QUARTI CAPVT VIGESIMVM PRIMVM, & seqq.

DE

*Communione sub una specie vel utrâque.*

**P**otuerint & forrè debuissent illæ etiam Quæstiones in examen venire, quas Bellarminus ab initio quarti hujus libri suo ordine satis prolixè tractat, nimirum de repositione & adseruatione Panis consecrati, non item Vini, tanquam Sacramenti, ut vocat, permanentis; de materiâ etiam Sacramenti, *sitne Panis necessario azymus*, an vero fermentatus, quo Græcorum apud orientales Ecclesiam uti certum est, *sitne porrò Vinum aqua in Sacro Calice ad exemplum Christi necessario temperandum*, ut de forma Consecrationis & ipso Sacramenti effectu nihil plane dicam. Sed quia de repositione & adseruatione Panis consecrati Bellarminus nullum ex Augustino ostendere potuit testimonium, comet ipsi se Ejus autoritate destitui fassus: materiales autem Controversia de *Pane azymo vel fermentato*, Vino itidem aqua miscendo tanti non sint momenti, ut Schisma aliquod inter Ecclesiæ in Fidei fundamento consentientes facere possent, nisi nimius ex parte Romanenium rigor omnes alias in hac re adiaphorâ à se dissentientes diro anathemate percuteret, Evangelicis liberè in Sacramenti Eucharistiae usu Pane azymo utentibus, mixtionem Aquæ cum Vino facile etiam admisuris, si jugum illud tyrannicum, quo irreconciliabilis Roma quosvis fideles sibi conatur subjicere, abesset; hinc opus non esse visum fuit, his & aliis Quæstionibus, quæ sine controversia possent expiri, aliquam impendere moram, tempore ad necessaria & magis controversa destinando, eam in specie Quæstionem controversam, quæ in hoc negotio utramque solet occupare paginam, Laicis fidelibus, quin & Sacerdotibus non conlectantibus ab utrâq; Sacramenti specie, per Definitionem non verè Ecclesiasticam, contra Sapientissimi patiter & Benevolentissimi Testatoris institutum exclusis, & ad unam modò Panis consecrati speciem admissis. Ne vero & hic nimis diffundamur, circa Augustini authoritatem ex Instituto tantum occupabimur, cæteris omnibus hac vice prætermisis, quæ partim præter alia Nostratium Scripta in *Vindictis Evangelico-Thomisticis* à parte adversaria per